

## IN MEMORIAM

NERKEZ SMAILAGIĆ  
(1927—1985)

Nerkez Smailagić rođen je 16. XI 1927. godine u Banja Luci, gdje je završio osnovnu školu i gimnaziju. U Sarajevu se upisao na Pravni fakultet i diplomirao 1951. godine. Iste godine izabran je na Pravnom fakultetu u Sarajevu za asistenta na predmetu Historija političkih doktrina. Tokom 1953. godine bio je šest mjeseci na specijalizaciji u Francuskoj, a školske godine 1954/55. bio je na specijalizaciji na Visokoj školi za političke nauke u Parizu (posebno je izučavao područje moderne političke misli). Krajem 1955. godine vratio se u Sarajevo gdje je na Pravnom fakultetu radio kao asistent do kraja 1956. godine. Zatim je izabran na Filozofskom fakultetu u Sarajevu za asistenta za Sociologiju, gdje je ostao do kraja 1957. godine. Nakon toga postavljen je za direktora Radničkog univerziteta u Sarajevu koju je dužnost vršio do 31. V 1959. godine. Od tada do 1. II 1960. godine nije bio u radnom odnosu već se aktivno bavio prevodenjem sociološke literature. Od 1. II 1960. do pred kraj 1962. godine zaposlen je kao službenik u raznim kulturnim ustanovama u Banja Luci.

Na Fakultetu političkih nauka u Zagrebu izabran je 9. 10. 1962. godine za stalnog nastavnika na predmetu Historija političkih doktrina u zvanju predavača, a 7. IX 1965. godine Nastavničko vijeće izabralo ga je kao nastavnika za isti predmet u zvanje višeg predavača.

Generacije studenata Fakulteta političkih nauka sjećat će se profesora Smailagića kao briljantnog predavača, čija su predavanja rado i često posjećivali i studenti drugih fakulteta. U sjećanju svojih kolega, asistenata i profesora, ostat će kao čovjek svestranog obrazovanja i široke kulture, uvijek korektan i spreman za pomoć i suradnju. Osoblje fakulteta pamtit će ga kao čovjeka neponovljivog šarma i razumijevanja.

Prof. Nerkez Smailagić jedan je od pionira naše političke znanosti. Njegovi su značajni doprinosi ugrađeni u prve nastavne planove i programe Fakulteta političkih nauka u Zagrebu kao prvog fakulteta političkih nauka u nas. Danas je politologija društvena i kulturna činjenica, zahvaljujući u velikoj mjeri nastojanju i djelu profesora Smailagića. Svakim je svojim djelom i angažmanom uznastojao oko digniteta i profiliranja studija politologije. Politologija za prof. Smailagića nije bila samo akademska disciplina, već osvještavanje zajedničkog opstanka. Ethos zajednice nije bila samo njegova teorijska inspiracija, nego i način njegova života. Njegov je kategorički imperativ bio: da se čovjek iskaže u svom bogatstvu svoje ljudske autentičnosti. Tako shvaćen integritet ljudskoga, samo je drugo ime za određenje čovjeka kao *slobodnog bića*. Jer, *sloboda* se, za prof. Smailagića, i sastoji u tome da čovjek svojim djelom, u beskrajnu mogućnosti, obogaćuje i razvija svoju ljudsku bit.

Djela Nerkeza Smailagića kao što su: »Politička vizija Dante Alighierija«, »Historija političkih doktrina«, »Klasična kultura Islama«, »Radnička klasa i radnička partija«, »Temeljne značajke Lenjinova djela« i dr. trajno su obogatila fundus naše političke znanosti i naše kulture. No, bez obzira o čemu pisao, profesor je Smailagić svojim teorijskim djelom i svojim životom gradio

*ljudski svijet demokracije i tolerancije. Nerkez je Smailagić svojim činom i načinom nosio i pronosio bitne označnice svoga naroda: mudrost i strpljenje. Nenametljivo nas je poučavao tim vrlinama.*

Mogao je prof. Smailagić imati nekog ideološkog protivnika, ali nije mogao imati neprijatelja, jer se s njim, kao rijetko s kim drugim, neposredno i bez ostatka, moglo »razmijeniti«  
razumijevanje za razumijevanje.

Neka tako traje i u našem sjećanju.

Na sjednici Savjeta Fakulteta političkih nauka od 21. studenoga 1985. izabrani su novi članovi Savjeta časopisa **»Politička misao«**. Time je prestao rad članova dosadašnjega Savjeta. Savjet Fakulteta političkih nauka izrazio im je jednodušnu zahvalnost na predanom i odgovornom radu bivšem Savjetu i uredništvu časopisa. Posebna je zahvalnost izražena dosadašnjem predsjedniku Savjeta i prvom dekani Fakulteta političkih nauka dr Leonu Gerškoviću na njegovu angažiranom sudjelovanju u oblikovanju časopisa. Tome se pridružuju i članovi nove redakcije časopisa.

## Obavijest

Na sjednici Savjeta Fakulteta političkih nauka od 21. studenoga 1985. izabrani su novi članovi Savjeta časopisa **»Politička misao«**. Time je prestao rad članova dosadašnjega Savjeta. Savjet Fakulteta političkih nauka izrazio im je jednodušnu zahvalnost na predanom i odgovornom radu bivšem Savjetu i uredništvu časopisa. Posebna je zahvalnost izražena dosadašnjem predsjedniku Savjeta i prvom dekani Fakulteta političkih nauka dr Leonu Gerškoviću na njegovu angažiranom sudjelovanju u oblikovanju časopisa. Tome se pridružuju i članovi nove redakcije časopisa.